

﴿إِنَّ هَذَا الْقُرْآنَ يَهْدِي لِلْأَيِّ هِيَ أَقْوَمُ وَيُبَشِّرُ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا كَبِيرًا﴾

Dhugumatti, Qur'aanni kuni wanta hundarra qajeeltu taatetti nama qajeelcha. Warroota amananii hojii gaggaarii hojjatan, mindaan guddaan akka isaaniif jiru ni gammachiisa.

Indeed, this Qur'an guides to that which is most suitable and gives good tidings to the believers who do righteous deeds that they will have a great reward.

Suuratu Al-Israa 17:9 www.sammubani.com

Tafsiira Suuratu Az-Zumar-Kutaa 1

Description

Barnoota keenya darbe keessatti waaâ€™ee Laa ilaah illallah ilaalaa turreera. Namni jecha tana sirritti yoo beekke fi hojii irra oolche, jireenya keessatti gammachuu fi bilisummaa argata. Gammachuu fi bilisummaan dhugaa gammachuu fi bilisummaa qalbiiti. Namni tarii qaaman bilisa taâ€™uu dandaâ€™a. Garuu qalbiin isaa wantoota baayâ€™eef yoo gabra taate, inni bilisummaa dhugaa hin qabu jechuudha. Dhugumatti, Laa ilaah illallahâ€™n wanta nama miidhu fi fayyadu hin dandeenyeef gabra taâ€™uu irraa nama baraaruun bilisummaa dhugaa namaaf laatti. Namni kana galmaan gahuuf yeroo hundaa beekumsa barbaadu fi wanta beekke hojii irra oolchuuf carraaqu qaba. Qurâ€™aanni guutuun gara Laa ilaah illallahâ€™tti namoota waama. Kanaafu, maddi guddaan hiika Laa ilaah illallah itti beekan Qurâ€™aana jechuudha. Kana hubannoo keessa galchuun Qurâ€™aana irraa suurah jiddu-galeessa baayâ€™inni aayaata (keeyyattoota) 75 taâ€™e ibsa (tafsiira) ishii ni ilaalla. Laa hawla walaa quwwata illa billah.

Suuran (boqonnaan) tuni suuratu Az-Zumar. Suurah bareeddu nama hawwattu, nama itti dukkanaaâ€™e tan abdachiistu, nama gafla keessatti lixee of dagate tan dammaqsitu, nama beekumsaaf dheebote beekumsa akka dammaa miâ€™aawaa fi akka aannanii namatti tolu tan nama obaastu Suuratu az-Zumar. Nama jijjirama barbaadeef kunoo tafsiira (ibsa) suuratu Az-Zumar. Hanga xumuraatti obsaan waliin haa turru. Isin qophiidhaa?

﴿بِسْمِ اللَّهِ الرَّحْمَنِ الرَّحِيمِ﴾

Maqaa Rabbii Ar-Rahmaan Ar-Rahiim taâ€™een [jalqaba]

﴿تَنْزِيلُ الْكِتَابِ مِنَ اللَّهِ الْعَزِيزِ الْحَكِيمِ ﴿١﴾ إِنَّا أَنْزَلْنَاهُ إِلَيْكَ الْكِتَابَ
بِالْحَقِّ فَأَعْبُدِ اللَّهَ مُخْلِصًا لَهُ الدِّينَ ﴿٢﴾ أَلَا لِلَّهِ الدِّينُ الْخَالِصُ ﴿٣﴾﴾

•(1)-Buufamuun Kitaabichaa Rabbii Injifataa Ogeessa taâ€™ee irraayyi. (2)-Dhugumatti,Nuti Kitaaba haqaan gara keetti buufnee jirra. Kanaafu, amantii Isaaf qulqulleessuun Rabbiin gabbari. (3)- Dhagayaa! Amantiin qulqulluun Rabbi qofaafi.â€• Suuratu az-Zumar 39:1-3

•Buufamuun Kitaabichaa Rabbii Injifataa Ogeessa taâ€™ee irraayyi.â€•

Asitti â€œkitaabichiâ€• Qurâ€™aana. Kitaaba jechuun wanta barraaâ€™edha (maktuub). Kanaafu, Qurâ€™aanni Al-Lawh Al-Mahfuuz keessatti kan katabamee fi galmaaâ€™edha. Akkasumas, erga Nabiyyii (SAW) irratti buâ€™ee boodas meeshaa barreefamaa irratti galmaaâ€™un jijjiraa, hirâ€™innaa fi itti dabaluu irraa hanga Guyyaa Qiyaamaatti ni eegama.

Rabbiin subhaanahu wa taâ€™aalaa buufamuun Qurâ€™aanaa Isa irraa akka taâ€™e beeksiisa. Kana jechuun Qurâ€™aanni Rabbiin irraa buâ€™e. Jibriil irraa miti ykn Muhammad irraa miti ykn madda kam irraayyu miti. Kana irra, Rabbiin irraa kan buâ€™eedha. Ittiin dubbatee gara Jibriil buuse. Ergasii Jibriil (aleyh salaam) Qurâ€™aana kanaan qalbii Nabiyyii (SAW) irratti buâ€™een.[1] Rabbiin (Subhaanahu wa taâ€™aalaa) ni jedha:

﴿وَإِنَّهُ لَتَنْزِيلُ رَبِّ الْعَالَمِينَ ﴿١٩٣﴾ نَزَلَ بِهِ الرُّوحُ الْأَمِينُ ﴿١٩٤﴾ عَلَى قَلْبِكَ لِتَكُونَ مِنَ الْمُنْذِرِينَ ﴿١٩٥﴾ بِلِسَانٍ عَرَبِيٍّ مُبِينٍ ﴿١٩٦﴾﴾

•Dhugumatti, Qurâ€™aanni buufama Gooftaa aalamaati.

Ruuhi amanamaa taâ€™e (Jibriiltu) isaan buâ€™e (Qurâ€™aana Rabbiin irraa fide).

Akka ati Akeekachistoota irraa taatuf qalbii kee irratti [fide].

Lugaa (qooqa) Arabiffaa ifa taâ€™een.â€• Suuratu Ash-Shuâ€™araa 26:192-195

Dhugumatti Qurâ€™aanni kuni Gooftaa wantoota hundaa uume, dhimmoota hundaa harkaa qabuu fi tooâ€™atu irraa kan buufameedha. Yaa Rasuula! Hanga qalbii keetin hubattuu fi qabattutti Jibriil Qurâ€™aana kana Rabbii oltaâ€™aa irraa fidee sirratti dubbise.

Al-Aziiz jechuun abbaa humnaa fi Injifataa gonkumaa hin injifatamneedha. Humni kamiyyuu humna Isaatiin wal hin gitu (hin qixxaatu), dandeettin homaatu dandeetti Isaatin wal hin gitu. Rabbiin subhaanahu wa taâ€™aalaa wantoota hundaa kan injifatuudha.

Al-Hakiim (Ogeessa)-kana jechuun wanta hundaa bakka isaaf malu kan kaaâ€™TMuu fi wanta hundarra gaarii taâ€™TMee kan filatu, dhimmoota hundaa kan tolchu, qindeessuu fi jabeessuudha.

Kitaabni Isarraa kan buâ€™TMee taâ€™TMuu erga ibsee booda maqaalee gaggaarii Rabbii keessaa maqaalee lamaan kanniin filachuu keessa gabroota iddoo qormaataa kaaâ€™TMaman duâ€™TMaan booda isaan kaasuun jazaa akka isaaniif kafalu ragaa agarsiisutu jira. [2] Inni Humna cimaa Kan qabuu fi Injifataa waan taâ€™TMeeff duâ€™TMaan booda namoota kaasuun homaa Isatti hin ulfaatu. Al-Hakiim (Ogeessa) waan taâ€™TMeeff uumamtoota kaayyoo malee akkanumaan hin uumu. Kanaafu, lamuu isaan kaasee nama waan gaarii hojjate mindaa gaarii kennaaf, nama waan badaa hojjate immoo adabbi isaaf malu adaba.

â€™Dhugumatti, Nuti Kitaaba haqaan gara keetti buufnee jirra. Kanaafu, amantii Isaaf qulqulleessuun Rabbiin gabbari.â€™

Asitti maqdhaala guddinna agarsiisu fayyadamuun: â€™Yaa Muhammad! Nuti Qurâ€™TMaana haqaan gara keetti buufnee jirra.â€™ Jedha. Haqaan yommuu jedhu hiika lama qaba:

1ffaa-Qurâ€™TMaanni kuni Rabbiin irraa taphaaf osoo hin taâ€™TMin haqaan buâ€™TMee. Namoota ajajuuf, waan badaa irraa dhoowwuuf, dukkana keessaa gara ifaatti isaan baasuuf buâ€™TMee.

2ffaa-Wanti Qurâ€™TMaanni of keessaa qabu hundi haqa (dhugaadha). Ajajoonni, dhoowwan, seenalee fi odeeffannoon isaa hundi dhugaadha. [3] Rabbiin subhaanahu wa taâ€™TMaalaa ni jedha:

لَا يَأْنِيهِ الْبَطْلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِّنْ حَكِيمٍ



â€™Sobni fuundura isaatiis taâ€™TMee duuba isaatiin itti hin dhufu. Rabbii Ogeessa Faarfamaa taâ€™TMee irraa buufame.â€™ Suuratu Fussilat 41:42

â€™Kanaafu, amantii Isaaf qulqulleessuun Rabbiin gabbari.â€™ Kana jechuun Rabbii Tokkicha shariika hin qabne gabbari, namootas kanatti waami. Ibaadaan Isa qofaaf malee homaafu akka hin taanee isaaniitti beeksisi. Ammas, Inni shariika, qixxaataa fi dorgomaa akka hin qabne isaanitti beeksisi. Kanaafi itti aanse Rabbiin oltaâ€™TMaan ni jedha: â€™Dhagayaa! Amantiin qulqulluun Rabbi qofaafiâ€™ [4]

Al-ikhlaasu Lillah (Rabbiif qulqulleessu) jechuun hojiwwan amanti hunda shirkii, riyaa (na argaa) fi makaa biroo irraa qulqulluu fi dhinbiibamaa gochuudha. Ni jedhama: â€™Akhlasa fulaanu shayâ€™TMaâ€™ kana jechuun wanta tokko faalama (makaa) irraa qulqulleesse.

Mukhlis jechuun nama hojii fi niyyaa isaa faalama (makaa) irraa qulqulleesseedha.

Ad-Diini (Amanti) jechuun- ajajamuu fi masakamuudha ykn hojii ittiin mindaa argachuu barbaadaniidha. Fkn, salaanni hojii mindaa ittiin barbaadaniidha. Ad-Diinu Lillah (Amantin Rabbiif) jechuun Guddinna Isaatiif gadi of qabuu fi of xiqqeessu waliin ajajamuun, masakamuu fi dhugaadhaan gabbaruun Isa qofaafi.

Kana booda: **“Dhagayaa! Amantiin qulqulluun Rabbi qofaafi”** jechuun Yaa namoota! dhagayaa, xiyyeeffannoo itti kennaa! Ibaadaa fi ajajamuun shirkii irraa qulqulluu ta’e Rabbi tokkicha shariika hin qabne qofaafi.^[5] Hojii Isa qofaaf jedhame hojjatamu qofatu Isa biratti fudhatama qaba. Hojiin shirkii, riyaa (na argaa), na dhagayaa qabuu fi Rabbiin ala wanta biraatti dhiyaachuuf hojjatame hundi Isa biratti fudhatama hin qabu. Nama qaruute irra dirqamni jiru, hojii amantii hunda Rabbi Tokkichaaf qulqulluu gochuudha. Rabbiin ala wanta biraatti dhiyaachuuf jecha haqaan Rabbiif hojii ibaadaa hojjachuun akkamitti aqilaaf malaa? Kuni faallaa aqliiti.^[6]

In sha Allah itti fufa’i

Kitaabban Tafiiraa

^[1] Tafiiru Qur’aaniil kariim-Suuratu Az-Zumar-fuula 13, Ibn Useymiin

^[2] Ma’aariju tafakkuri wa daqaa’iqu tadabburi-12/150-151, Abdurahmaan Hasan Habanka

^[3] Tafiiru Qur’aaniil kariim-Suuratu Az-Zumar-fuula 21, Ibn Useymiin

^[4] Tafiiru ibn Kasiir-6/438

^[5] Tafiiru Xabarii-20/156, Ma’aariju tafakkuri-12/152

^[6] Tafiiru Qur’aaniil kariim-Suuratu Az-Zumar-fuula 28, Ibn Useymiin

Date Created

February 19, 2020

Author

admin